

empiturà de ciel
careza dale man
el cant nasù 'nden sbrìgol
che stormenis pasion

la gesia piena, sgionfa
cunada a 'sto susùr
e i còri che broàva
tegnendose par man

pareva 'n fior sbocià
'nden dì de primavera
quel bèl cantar ensema
par slanegar pensieri

en zaterer che voga
'na letra 'la sò mama
'na nina nana dolcia
e 'l vöit drè 'n us de casa

gh'era dent tut misià
el bèl e 'l brut ricordo
ma fòr da quei portoni
ne portan drè 'l ciaror

valgun che no desmentega
'l ne l'à desquerti al sol
con voze tendra e forta
cantandoli 'nden fior

quel fior dei nosi monti
pitura sui campìgoi

'na bela Genzianela
en nòm che parla al cör

Giuliano

Per il coro Genzianella di Roncogno con profonda stima

Questo/a opera è pubblicata con una Licenza Creative Commons

